

05 դեկտեմբեր 2018թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 019927/04

ՎԱՐՉԱԿԱՆ ՎԱՐՈՒՅԹԸ ՎԵՐՍԿԱՆՈՒ ԵՎ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 05.12.2018 թվականի թիվ 19927 վարչական իրավախախտման վերաբերյալ արձանագրությունը և վարույթի նյութերը, քննելով թիվ 19927 գործը,

ՊԱՐԶԵՑԻ

«Մ.Ս. ՏՈՒՐ» ՍՊԸ-ի (ՀՎՀՀ՝ 01256385) տնօրեն Մնացական Պետրոսյանը (հասցե՝ ՀՀ, Կոտայքի մ. ք. Աբովյան 5 30)՝ ՀՀ հարկային օրենսգրքի 156-րդ հոդվածի համաձայն՝ օրենքով սահմանված ժամկետում չի ներկայացրել 2018թ. օգոստոս ամսվա եկամտային հարկի հաշվարկը: Նշված արարքը նախատեսված է Վարչական իրավախախտումների վերաբերյալ Հայաստանի Հանրապետության օրենսգրքի 169՝ հոդվածի 2-րդ մասով, որի կապակցությամբ հարուցվել է վարչական վարույթ:

Վարչական վարույթի շրջանակներում Մնացական Պետրոսյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ետ է վերադարձվել թերի հասցե նշագրումով՝ ՀՀ ՊԵԿ իրավաբանական վարչության պետի կողմից 24.10.2018 թվականին կայացվել է վարչական վարույթը կասեցնելու մասին որոշում՝ Վարչարարության հիմունքների և վարչական վարույթի մասին ՀՀ օրենքի 49-րդ հոդվածի 1-ին մասի «գ» կետի համաձայն: Ծանուցագիրը և կասեցման վերաբերյալ որոշումը կողմը ստացել է 03.12.2018թ-ին:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացրել: Գործում առարկություն կամ բացատրություն առկա չէ:

Վարչական վարույթի ընթացքում հայտին է դարձել, որ ՀՀ հարկային օրենսգրքի 156-րդ հոդվածի համաձայն՝ օրենքով սահմանված ժամկետում Մնացական Պետրոսյանը չի ներկայացրել 2018թ. սեպտեմբեր ամսվա եկամտային հարկի հաշվարկը, ինչպես նաև ՀՀ հարկային օրենսգրքի 261-րդ հոդվածի համաձայն՝ օրենքով սահմանված ժամկետում հարկային մարմին չի ներկայացրել 2018թ. 3-րդ եռամսյակի շրջանառության հարկի հաշվարկը:

Այն փաստը, որ Մնացական Պետրոսյանը վերջին մեկ տարվա ընթացքում կատարել է իրավախախտում, որի համար ենթարկվել է վարչական տույժի (24.08.2018թ-ի թիվ 384975/04 որոշում), սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34, 244², 281 հոդվածներով և 282 հոդվածի 1-ին մասի 1-ին կետով՝ վարչարարության հիմունքների և վարչական վարույթի մասին ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Մնացական Պետրոսյանի վերաբերյալ հարուցված թիվ 19927 վարչական վարույթը վերսկսել:
2. Համաձայն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասի՝ Մնացական Պետրոսյանի նկատմամբ կիրառել վարչական տույժ, նշանակել տուգանք՝ 20.000 (քսան հազար) դրամի չափով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

1 հեղինակ



Վ.ՄՆԱՑԱԿԱՆՅԱՆ